

Allannguutissatut siunnersuut

Uunga

Siunnersuut uunga: Ingerlatsivinni pigisanit aamma pappiaqqat nalillit ilaannit inuit iluanaaruteqartarnerannit aamma annaasaqartarnerannit akileraartermi suliassat pillugit Inatsisartut Inatsisaat (pappiaqqat nalillit iluanaarutigineqartarnerat pillugu inatsit)

Naalakkersuisut aappasaanerinissamut saqqummiussa.

1. Siunnersuutip qulequtaa imaassaaq:

”Uunga siunnersuut: Inuit selskabini piginneqataassutinit pappiarallu aningaasanik nalillit ilaannit iluanaarutaasa annaasaqaataasalu akileraarutigut suliarineqartarnerat pillugu Inatsisartut inatsisaat nr. xx, xx. xxx 2017-imeersoq (Pappiaranit aningaasanik nalilinnit iluanaarutit pillugit inatsit)”

Kapitali 1-ip qulequtaanut

2. *Kapitali 1*-ip qulequtaa ima oqaasertaqarpoq:

**”Kapitali 1
Atuuffia”**

§ 1-imut

3. § 1 ima oqaasertaqarpoq:

”§ 1. Aktianit iluanaarutit annaasaqaatillu Inatsisartut inatsisaanni matumani maleruagassat naapertorlugit suliarineqassapput.

Imm. 2. Inatsisartut inatsisaanni aktiat pillugit maleruagassat taamatuttaaq aktianik aktianillu pissarsinissamut pisinnaatitaaffinnik, anpartsselskabini piginneqataassutininik, peqatigiiffinni piginneqataassutininut uppernarsaatinik aningaasaliissuteqartarnermillu peqatigiiffinni uppernarsaatinik nioqputigineqarsinnaasunik pisisinnaatitaanermut atuupput.

Imm. 3. Inatsisartut inatsisaanni aktiat pillugit maleruagassat taamatuttaaq obligationinut allanngortinneqarsinnaasunut atuupput.”

§ 2-mut

4. § 2 ima oqaasertaqarpoq:

”§ 2. Pisassarisat tuninerisigut utertillugilluunniit akilernerqarnerisigut iluanaarutit annaasaqaatillu Inatsisartut inatsisaanni matumani maleruagassat naapertorlugit suliarineqassapput.

Imm. 2. Pisassarisanik oqarnermi pineqarput obligationit, naalagaaffiup akiitsugaasa allagartaat, naalagaaffimmut akiitsut allagartaat, suliffeqarfiit akuerineqarnerinut uppernarsaatit aamma pigisanik aalaakkaasunik qularnaveeqqusiussaqaarluni taarsigassarsinermi allagartat.”

§ 3-mut

5. § 3 ima oqaasertaqarpoq:

”§ 3. Inatsisartut inatsisaat aktianit anpartinillu, akileraartussaataitaasup inuussutissarsiutaanut atasunit iluanaarutitut annaasaqaatinullu atuutinngilaq, akileraaruteqaataanissaat akileraartarnermi inatsimmi maleruagassat nalinginninnaasut malillugit naatsorsorneqartarmata, tak. Aningaasarsianit akileraarutit pillugit Inatsisartut inatsisaanni § 34, imm. 1, nr. 2.

Imm. 2. Inatsisartut inatsisaat selskabip sulisorisat aktiaataannik utertitsilluni sulisorisanut allanut tuneqqitassanik pisinerani atuutinngilaq, tak. Aningaasarsianit akileraarutit pillugit Inatsisartut inatsisaanni § 87, imm. 1-imiit 2-mut.

Imm. 3. Aktianik, peqatigiiffinni piginneqataassutitut uppernarsaatinik pappiaranillu aningaasanik nalilinnik assigisaannik, illuummi arlalinnik inissartaqartumi inissiamik atuisinnaatitaanermut tunngassuteqartunik tunisinikkut iluanaarutit annaasaqaatillu akileraaruteqaataassanngillat, inissiaq pappiaranik nalilinnik piginnittup taassumaluunniit inoqutaanit, piffisami pappiaranik nalilinnik piginnittup piginnittuuffigisaani tamarmi ilaaniluunniit najugaqarfigineqarsimappat.”

§ 4-mut

6. § 4 ima oqaasertaqarpoq:

”§ 4. Aktieselskabit il.il. atorunnaarsinneqartut pigisaasa aningaasanngortitaaneranni agguarsianit iluanaarutit annaasaqaatillu, qaammatisiutit malillugit ukiumi selskabip il.il. atorunnaarsivinneqarfiani, tunisinerit akileraaruserneqartarnerat pillugu maleruagassat §§-ini 11-miit 17-imiittut malillugit suliarineqassapput, taamaattorli tak. imm. 2.

Imm. 2. Aktianik amerlanernik piginnittuusoq selskabimik selskabimut allamut, pineqartutaaq aktianik amerlanernik piginnittuuffigisaanut pigisanik nalilinnik tunisaqarsimasumik atorunnaarsitsisoq, Aningaasarsianit akileraarutit pillugit Inatsisartut inatsisaanni § 86, imm. 2 naapertorlugu akileraartinneqassaaq.”

§ 5-imut

7. § 5 ima oqaasertaqarpoq:

”§ 5. Aktianik aningaasanik niuerfimmi nalunaarsorneqartunik oqarnermi pineqarput aktiat aaqqissuussaasumik niuerfinni, Pappiaranik nalilinnik niuerneq il.il. pillugit inatsisip Kalaallit Nunaannut atortuulersinneqarneranik peqqussummi nassuiarneqartuni tuniniarneqartartut pisiarineqartartullu.”

§ 6-imut

8. § 6 ima oqaasertaqarpoq:

”§ 6. Akileraartussaataitaasoq pisassarisanik normoqatigiiaanik værdipapircentralimi nalunaarsorneqarsimasunik, imaluunniit assingannik atugassarititaqarluni atuutilersitsisumit ataatsimit atuutilersinneqartunik peqarpat, pisassarisat siulliullugit pissarsiarineqartut siulliullugit tunineqartutut isigineqassapput.”

§ 7-imut

9. § 7 ima oqaasertaqarpoq:

”§ 7. Aktiatut Kalaallit Nunaanneersutut isigineqarput selskabini Kalaallit Nunaanni angerlarsimaffeqartuni aktiat anpartilluunniit.”

Kapitali 2-p qulequtaanut

10. *Kapitali 2-p* qulequtaa ima oqaasertaqarpoq:

”Kapitali 2

Akileraartussaataitaasut”

§ 8-mut

11. § 8 ima oqaasertaqarpoq:

”§ 8. Inatsimmi pineqarput inuit, Aningaasarsianit akileraarutit pillugit Inatsisartut inatsisaanni § 1 aamma § 2 naapertorlugit akileraartussaataitaasut.”

Kapitali 3-p qulequtaanut

12. *Kapitali 3-p* qulequtaa ima oqaasertaqarpoq:

”Kapitali 3

Iluanaarutininik akileraarusiineq”

§ 9-mut

13. § 9 ima oqaasertaqarpoq:

”§ 9. Aktianit pisassarisanillu iluanaarutininik akileraarutit, procenti akileraarusiissutitut aalajangersarneqartoq tamarmiisoq, tak. Aningaasarsianit akileraarutit pillugit Inatsisartut inatsisaanni §§-it 61-imiit 63-imut, kommunimi akileraartussaataitaasup akileraarfiani, tak. Aningaasarsianit akileraarutit pillugit Inatsisartut inatsisaanni § 68, atuuttoq malillugu inaarutaasumik akileraarutit naatsorsorneqassapput.

Stk. 2. Akileraarutit § 9-mi pineqartut landskarsip, kommunip akileraarfiup aamma kommunit pisassaraat, Akileraaruserinermik ingerlatsineq pillugu Inatsisartut inatsisaanni § 40, imm. 4-mi oqaatigineqartutuut.”

§ 10-mut

14. § 10 ima oqaasertaqarpoq:

”§ 10. Aktianit Kalaallit Nunaanneersunit iluanaarutinit akileraarutit akileraarut, ukiuni aningaasarsiorfiusuni 2019-imi 2020-milu 15 procentiusoq atorlugu inaarutaasumik akileraarutit naatsorsorneqassapput.

Imm. 2. Ukiuni aningaasarsiorfiusuni tulluuttuni angissusissaa Inatsisartut, Aningaasarsianit akileraarutit pillugit Inatsisartut inatsisaanni § 61, imm. 2-misut aalajangersassavaat.

Stk. 3. Akileraarutit § 10-mi pineqartut landskarsip, kommunip akileraarfiup aamma kommunit pisassaraat, Akileraaruserinermik ingerlatsineq pillugu Inatsisartut inatsisaanni § 40, imm. 7-imi oqaatigineqartutuut.”

Kapitali 4-p qulequtaanut

15. Kapitali 4-p qulequtaa ima oqaasertaqarpoq:

”Kapitali 4

Pisassarisanit iluanaarutininik annaasaqaatinillu naatsorsuineq”

§ 11-mut

16. § 11 ima oqaasertaqarpoq:

”§ 11. Iluanaarutit annaasaqaatilluunniit pisassarisat tunineranni utertillugilluunniit akilerneqarneranni naatsorsorneqassapput. Pisassarisamit iluanaarutit annaasaqaatilluunniit, pissarsiarinerani akiata aamma tuninerani utertilluguluunniit akilerneqarnerani akiata assigiinngissutaattut naatsorsorneqassapput. Utertillugu akiliineq naafferartumik akilersuinikkut pippat iluanaarutit ima naatsorsorneqassapput, naafferartumik akiliutigineqartunut tamanut tunngatillugu procenti procentit, pisarinerani akianik qaangiissutaasut amerlassusiinut naapertuuttoq ilanngunneqassalluni.”

§ 12-imut

17. § 12 ima oqaasertaqarpoq:

”§ 12. Pisassarisanit annaasaqaatit § 15-imi maleruagassat malillugit ilanngaatigineqarsinnaapput.”

Kapitali 5-ip qulequtaanut

18. Kapitali 5-ip qulequtaa ima oqaasertaqarpoq:

”Kapitali 5

Aktianit il.il. iluanaarutininik annaasaqaatinillu naatsorsuineq”

Immikkoortup qulequtaanut

19. Kapitali 5-imi §§-it 13-ip 14-illu qulequtaat ima oqaasertaqarpoq:

”Tunisinernik akileraarusiinerit”

§ 13-imut

20. § 13 ima oqaasertaqarpoq:

”§ 13. Aktianit iluanaarutit annaasaqaatillu kapitalimi matumani maleruagassat malillugit akileraaruserneqassapput.

Imm. 2. Iluanaarutit annaasallu agguaqatigiissitsinikkut, tassa imaappoq aktiat pineqartut tunineranni akiisa pisiarinerannilu akiisa assigiinngissutaattut naatsorsorneqassapput. Pisiarineranni akiannik oqarnermi pineqarpoq aktiat akileraartussaataasup selskabimi pineqartumi pigisaasa, assigiinngitsunik piginnaatitaaffeqarnerat apeqqutaatinnagu pisiarineranni akiat tamarmiusoq.”

§ 14-imut

21. § 14 ima oqaasertaqarpoq:

”§ 14. Anpartit aamma aningaasaliissuteqartarnermik peqatigiiffinni, selskabini aningaasaliissuteqartartuni il.il. aningaasaliisimanermik uppernarsaatit il.il., tunisinernik akileraaruseeriaaseq § 13, imm. 2-miittoq malillugu akileraaruserneqassapput.”

§ 15-imut

22. § 15 ima oqaasertaqarpoq:

”§ 15. Aktiat aningaasanik niuerfimmi nalunaarsorneqartut tunineranni annaasaqaatit, taamaattorli tak. § 17, aamma pisassarisat tuninerisigut utertillugilluunniit akilerneqarnerisigut annaasaqaatit ukiumi aningaasarsiorfiusumi aningaasarsiat makkuusut katinnerannit ilanngaattigineqarsinnaapput:

- 1) Aktiat aningaasanik niuerfimmi nalunaarsorneqartut tunineranni iluanaarutit.
- 2) Pisassarisat Inatsisartut inatsisaanni matumani pineqartut tunineranni utertillugilluunniit akilerneqarneranni iluanaarutit.
- 3) Anpartit aningaasaliisimanermillu uppernarsaatit § 14-imi pineqartut tunineranni iluanaarutit.

Imm. 2. Ilanngaattissat ilanngaatigereerlugit annaasaqaatit ukiuni aningaasarsiorfiusuni tullittuni qulini ilanngaattissat ilanngaatigereerlugit iluanaarutinit imm. 1, nr. 1-imiit 2-mut pine-

qartunit ilanngaatissanngortinneqarsinnaapput. Ilangaatissalli piffissap taassuma iluani ukiu-
mut aningaasarsiorfiusumut kingusinnerusumut taamaallaat nuunneqarsinnaapput, ukiumi siu-
sinnerusumi iluanaarutinit ilanngaatigineqarsinnaanngikkunik.

Imm. 3. Selskabinit, akileraartussaataitaasup Aningaasarsianit akileraarutit pillugit Inatsisar-
tut inatsisaanni § 86, imm. 3-mi taaneqartutuut sunniuteqarfigisaanit sunniuteqarfigisimasaa-
nilluunniit pisassarisatigut annaasaqaatit, imaluunniit akileraartussaataitaasup aapparisaanit,
angajoqqaavinit, aanaanit/aataanit kiisalu qitornaanit ernutaanillu aammalu taakku aappaannit
imaluunniit inuit taaneqartut toqunermikkut qimagaannit pisassarisatigut annaasaqaatit ilan-
ngaatigineqarsinnaanngillat. Qitornassat qitornavissiallu ilaqtavittut isigineqarput.

Imm. 4. Pisassarisatigut annaasaqaatit ilanngaatigineqarsinnaanngillat pisassarisanit erniati-
gut isertitat pisassarisatigulluunniit iluanaarutit Inatsisartut inatsisaanni matumani pineqartut
aningaasarsiat akileraaruteqaataasussat naatsorsorneranni, aningaasarsianit pigisanillu marlo-
riaammik akileraarnissaq pinngitsoorniarlugu isumaqatigiissutip kingunerisaanik ilanngunne-
qartussaanngippata.

Imm. 5. Aktiatigut, akileraartussaataitaasumit piffissami pisiarineqarfimmini aningaasanik
niuerfimmi nalunaarsorneqarsimasutigut, aaqqissuussaasumilli niuerfimmi nioqqutigineqa-
runnaarsimasutigut, tak. § 5, assersuutigalugu aktiat nalunaarsugaajunnaarsimanerannik niuer-
nermilluunniit peerneqarsimanerannik pissuteqartumik, annaasaqaatit taamaallaat iluanaaruti-
nit § 15, imm. 1, nr. 1-imiit 3-mut aalajangersakkat malillugit ilanngaatigineqarsinnaapput.”

§ 16-imut

23. § 16 ima oqaasertaqarpoq:

”§ 16. Aktiatigut aningaasanik niuerfimmi nalunaarsorneqanngitsutigut annaasaqaatit, taa-
maattorli tak. § 17, ukiumi aningaasarsiorfiusumi tassani aktiatigut aningaasanik niuerfimmi
nalunaarsorneqanngitsutigut allatigut iluanaarutinit ilanngaatigineqarsinnaapput.

Imm. 2. Ilangaatissat ilanngaatigereerlugit annaasaqaatit aktianit aningaasanik niuerfimmi
nalunaarsorneqanngitsunit ukiuni aningaasarsiorfiusuni tulliuttuni qulini ilanngaatissat ilan-
ngaatigereerlugit iluanaarutinit ilanngaatissanngortinneqarsinnaapput. Ilangaatissalli piffis-
sap taassuma iluani ukiumut aningaasarsiorfiusumut kingusinnerusumut taamaallaat nuunne-
qarsinnaapput, ukiumi siusinnerusumi iluanaarutinit ilanngaatigineqarsinnaanngikkunik.”

§ 17-imut

24. § 17 ima oqaasertaqarpoq:

”§ 17. Aktiat Kalaallit Nunaanneersut tuninerisigut annaasaqaatit ukiumi aningaasarsiorfiusu-
mi tassani aktianit Kalaallit Nunaanneersunit allanit iluanaarutinit ilanngaatigineqarsinnaap-
put.

Imm. 2. Ilangaatissat ilanngaatigereerlugit annaasaqaatit aktianit Kalaallit Nunaanneersunit
ukiuni aningaasarsiorfiusuni tulliuttuni qulini ilanngaatissat ilanngaatigereerlugit iluanaaruti-
nit ilanngaatissanngortinneqarsinnaapput. Ilangaatissalli piffissap taassuma iluani ukiumut

anigaasarsiorfiusumut kingusinnerusumut taamaallaat nuunneqarsinnaapput, ukiumi siusinnerusumi iluanaarutinit ilanngaatigineqarsinnaanngikkunik.”

Kapitali 6-ip qulequtaanut

25. Kapitali 6-ip qulequtaa ima oqaasertaqarpoq:

”Kapitali 6

Pissarsineq aamma tunisineq”

Immikkoortup qulequtaanut

26. Kapitali 6-imi § 18-ip qulequtaa ima oqaasertaqarpoq:

”Tunisineq”

§ 18-imut

27. § 18 ima oqaasertaqarpoq:

”§ 18. Tunisinermik oqarnermi Inatsisartut inatsisaanni matumani pineqarput tunisaqarnek, taarsiineq, atorunnaarsitsineq allatulluunniit piginnikkunnaarneq.

Imm. 2. Aktiat tunissutitut kingornussatulluunniit pissarsiarineqarnerat tunineqarnerallu Inatsisartut inatsisaanni matumani pisinertut tunisinertullu isigineqassapput. Taamaattoqartil-lugu pisiarineranni akiattut tunineranniluunniit akiattut isigineqassapput aningaasat, pineqar-tup pissarsiaata Inatsisartut inatsisaat manna malillugu akileraarutissaanik naatsorsuiner-mi tunngavigineqartut. Pineqartoq akileraartussaataasimangippat pisiarineranni akiattut tunine-ranniluunniit akiattut isigineqassaaq aktiap pineqartup piffissami tunniunneqarnerani niuer-nermi nalinga. Oqaaseqatigiinni siullerniit pingajuinut maleruagassat atuutissanngillat pissar-sisoq tunniussisup akileraartarnikkut inissisimaneratut inissisimalerpat.

Imm. 3. Taartisiat sillimmasiinermillu taarsiiffigineqarnerit tunineranni akiisut isigineqas-sapput.”

Immikkoortup qulequtaanut

28. Kapitali 6-imi §§-it 19-ip 20-llu qulequtaat ima oqaasertaqarpoq:

“Nangitsinissaq siunertaralugu tunisineq”

§ 19-imut

29. § 19 ima oqaasertaqarpoq:

“§ 19. Aappaasup sivisunerusumik inuusup ataatsimut pigisat, akileraartussaataasup toqune-ratigut kingornussisussanut agguassinertaqanngitsumik nangippagit, aappaasoq sivisunerusu-mik inuusooq toqusup Inatsisartut inatsisaat manna naapertorlugu akileraarutitigut inissisima-nera nangissavaa.”

§ 20-mut

30. § 20 ima oqaasertaqarpoq:

“§ 20. Aktiat inuup selskabimi unittumi aktianut, Aningaasarsianit akileraarutit pillugit inatsisartut inatsisaanni kapitali 5 naapertorlugu kattunnermut avissaarnermulluunniit atatillugu akiliutitut pissarsiai, piffissami aktiat taarserneqartut pissarsiarineqarneranni pissarsiarineqarsimasutut pisiarineqarnerannilu akiisut akilernerqarsimasutut suliarineqassapput.

Imm. 2. Selskabimi unittumi aktiat tunineqartutut isigineqassapput akileraartussaataasooq selskabimi ingerlaqqittumi aktianik pinnagu, allanilli akiliiffigineqarpat.”

Kapitali 7-ip qulequtaanut

31. Kapitali 7-ip qulequtaa ima oqaasertaqarpoq:

“Kapitali 7

Maanga maanngaanniillu nuunneq”

Immikkoortup qulequtaanut

32. Kapitali 7-imi § 21-p qulequtaa ima oqaasertaqarpoq:

“Maanga nuunneq”

§ 21-mut

33. § 21 ima oqaasertaqarpoq:

“§ 21. Inuk Kalaallit Nunaannut akileraartussaataalerpat, aktiat pisassarissallu piffissami Kalaallit Nunaannut akileraartussaataanerup atuutilernerani niuernermi nalingattut akilerlugit pisiarineqartutut isigineqassapput.”

Immikkoortup qulequtaanut

34. Kapitali 7-imi § 22-p qulequtaa ima oqaasertaqarpoq:

”Aktianik aningaasanik niuerfimmi nalunaarsorneqartunik aningaasaliissuteqartarnermillu peqatigiiffinni uppersaatiniq peqarluni maanngaanniit nuunneq”

§ 22-mut

35. § 22 ima oqaasertaqarpoq:

“§ 22. Aktianit aningaasanik niuerfimmi nalunaarsorneqartunit aningaasaliissuteqartarnermillu peqatigiiffinni il.il. uppersaatinit, Inatsisartut inatsisaanni matumani maleruagassani pineqartunit iluanaarutit annaasaqaatillu aningaasanngortinneqarsimasutut isigineqassapput, akileraarusiisinnaaneq akileraartussaataasup toquneranik pissuteqanngitsumik allamilli pis-

suteqartumik atorunnaarpat, matumani aamma inuk Kalaallit Nunaata nunallu takornartap, Danmarkip Savalimmiulluunniit aningaasarsianit pigisanillu marloriaammik akileraarnissaq pinngitsoorniarlugu isumaqatigiissutaanni aalajangersakkat malillugit Kalaallit Nunaata avataani angerlarsimaffeqalerpat, taamaattorli tak. imm. 2 aamma imm. 3.

Imm. 2. Imm. 1-imi maleruagassat taamaallaat inunnut, piffissami akileraartussaataitanerup atorunnaarfiani aktianik aningaasanik niuerfimmi nalunaarsorneqartunik il.il. katillugit 50.000 kr.-inik amerlanerusunilluunniit niuernermi nalilinnik peqartunut.

Imm. 3. Imm. 1-imi maleruagassat inunnut, Aningaasarsianit akileraarutit pillugit Inatsisartut inatsisaanni § 1, imm. 1, nr. 1-imiit 2-mut, imm. 4, imaluunniit § 2, imm. 1, nr. 10 naapertorlugit akileraartussaataitaasimasunut atuupput. Imm. 1-imi maleruagassat taamatuttaaq atuupput aktiat akileraartussaataitaasup aapparisaanit pissarsiaasimappata, taannalu oqaaseqatigiinni siullerni piunasaqaatinik naammassinnippat.

Imm. 4. Imm. 1 malillugu iluanaarutit annaasaqaatillu aningaasanngortinneqarsimasutut isigineqartut §§-it 11-miit 17-imut naapertorlugit naatsorsorneqassapput, taamaattorli akileraartussaataitanerup atorunnaarnerani nalingat tunineqarneranni akiannut taarsiullugu atorneqassaaq.

Imm. 5. Imm. 4 malillugu naatsorsorneqartoq inaarutaasumik akileraarutaavoq. Akileraarulli naatsorsorneqartoq 500 kr.-init minneruppat aningaasat akiligassiissutigineqassanngillat.”

Immikkoortup qulequtaanut

36. Kapitali 7-imi §§-it 23-miit 26-mut qulequtaat ima oqaasertaqarpoq:

“Aktianik aningaasanik niuerfimmi nalunaarsorneqanngitsunik pisassarisanillu peqarluni maanngaanniit nuunneq”

§ 23-mut

37. § 23 ima oqaasertaqarpoq:

“§ 23. Aktianit aningaasanik niuerfimmi nalunaarsorneqanngitsunit pisassarisanillu, Inatsisartut inatsisaanni matumani maleruagassani pineqartunit iluanaarutit annaasaqaatillu aningaasanngortinneqarsimasutut isigineqassapput, akileraarusiisinnaaneq akileraartussaataitaasup toquneranik pissuteqanngitsumik allamilli pissuteqartumik atorunnaarpat, matumani aamma inuk Kalaallit Nunaata nunallu takornartap, Danmarkip Savalimmiulluunniit aningaasarsianit pigisanillu marloriaammik akileraarnissaq pinngitsoorniarlugu isumaqatigiissutaanni aalajangersakkat malillugit Kalaallit Nunaata avataani angerlarsimaffeqalerpat, taamaattorli tak. imm. 2 aamma imm. 3.

Imm. 2. Imm. 1-imi maleruagassat taamaallaat inunnut, piffissami akileraartussaataitanerup atorunnaarfiani aktianik pisassarisanillu katillugit 100.000 kr.-inik amerlanerusunilluunniit niuernermi nalilinnik peqartunut.

Imm. 3. Imm. 1-imi maleruagassat taamaallaat inunnut, Aningaasarsianit akileraarutit pillugit Inatsisartut inatsisaanni § 1, imm. 1, nr. 1-imiit 2-mut, imm. 4, imaluunniit § 2, imm. 1, nr.

10 naapertorlugit, akileraartussaataitaanerup atorunnaarnissaa sioqqullugu ukiut qulit kingulliit iluanni piffissami ataatsimi arlalinniluunniit katillugit ukiuni ikinnerpaamik arfineq-marlunni akileraartussaataitaasimasunut atuupput. Imm. 1-imi maleruagassat taamatuttaaq atuupput aktiat akileraartussaataitaasup aapparisaanit pissarsiaasimappata, taannalu oqaaseqatigiinni siuller- ni piumasaqaatinik naammassinnippat.

Imm. 4. Imm. 1 malillugu iluanaarutit annaasaqaatillu aningaasanngortinneqarsimasutut isigineqartut §§-it 11-miit 17-imut naapertorlugit naatsorsorneqassapput, taamaattorli akileraartussaataitaanerup atorunnaarnerani nalingat tunineqarneranni akiannut taarsiullugu atorneqassaaq.

Imm. 5. Imm. 4 malillugu naatsorsorneqartoq inaarutaasumik akileraarutaavoq, taamaattorli tak. § 26, imm. 2. Akileraarutilli akilerneqarnissaa §§-ini 24-miit 26-imut maleruagassat malillugit kinguartinneqarsinnaavoq, iluanaarutit aktianut aningaasanik niuerfimmi nalunaarsugaanngitsunut pisassarisanullu tunngasuupata.”

§ 24-mut

38. § 24 ima oqaasertaqarpoq:

“§ 24. Inuit akileraarummik naatsorsorneqartumik akiliinissartik qinnuteqarlutik kinguartis- sinnaavaat, tak. § 23, imm. 5, akiliinissaq akileraartussaataitaanerup § 23, imm. 1 malillugu atorunnaarneranik pissuteqarpat.

Imm. 2. Imm. 1 malillugu kinguartitsisoqassappat maanngaanniit nuunnermi il.il. nammineerluni nalunaarsuiffimmik akileraaruseriffimmut nassiussisoqassaaq. Pigisat § 25 malillugu nalunaarsorneqarfiat nammineerluni nalunaarsuiffimmut ilanngullugu nassiunneqassaaq.

Imm. 3. Aningaasat akilerneqartussatut kinguartinneqartut qaammatit aallartinneri tamaasa 0,3 procentimik ernialersorneqassapput.

Imm. 4. Inuk maanngaanniit nunamut, Akileraarutitigut suliassani ikioqatigiittarnissaa pillu- gu nunat avannarliit isumaqatigiissutaanni 7. december 1989-imeersumi pineqartunut ilaan- ngitsumut nuuppat il.il., qularnaveeqqusiisoqarnissaa kinguartitsinissami piumasaqaataavoq. Qularnaveeqqusiineq aningaasanut akilerneqartussatut kinguartinneqartunut naapertuutissaaq, qularnaveeqqusiunneqarsinnaappullu aktiat obligationillu aningaasanik niuerfimmi aaqqis- suussaasumik nioqqutigineqarsinnaasutut akuerisaasut, aningaaserivimmit uppernarsaat ima- luunniit akileraaruseriffiup aalajangersagai malillugit allatut qularnaveeqqusiineq isumannaat- soq. Inuk nunamut, isumaqatigiissummi oqaaseqatigiinni siuller- ni taaneqartumi pineqartunut ilaasumut nuuppat, inullu taassuma kingorna nunamut isumaqatigiissummi taaneqartumi pine- qartunut ilaanngitsumut nuuppat, oqaaseqatigiit aappaat naapertorlugit isumannaatsumik qu- larnaveeqqusiisoqarnissaa kinguartitsinerup atuutiinnarnissaanut piumasaqaataavoq. Inuk nu- namut, isumaqatigiissummi oqaaseqatigiinni siuller- ni taaneqartumi pineqartunut ilaanngitsu- mut nuuppat, inullu taassuma kingorna nunamut isumaqatigiissummi taaneqartumi pineqartu- nut ilaasumut nuuppat, qularnaveeqqusiineq qinnuteqartoqarneratigut atorunnaarsinneqassaaq.

Imm. 5. Nammineerluni nalunaarsuiffik pigisallu nalunaarsorneqarfiat, tak. imm. 2, piffis- saagallartillugu nassiunneqanngippata, tak. § 25, imm. 5, kinguartitsisinnaaneq atorunnaas- saaq, akileraarullu piffissami, kinguartitsisoqarsimannngitsuuppat akiligassanngorfissamini

akilerneqartussanngortutut isigineqassaaq. Akileraarut piffissaq taanna aallarnerfigalugu, Akileraaruserinermik ingerlatsineq pillugu Inatsisartut inatsisaanni § 43 malillugu qaammatit aallartinneri tamaasa ernialersorneqassaaq.

Imm. 6. Nammineerluni nalunaarsuiffimmik pigisallu nalunaarsorneqarfiannik imm. 2-mi taaneqartutuut nassiussinissamut piffissaliussap qaangerneqarnera Akileraaruseriffiup soqutiginnigissinnaavaa, tak. § 25, imm. 5.”

§ 25-mut

39. § 25 ima oqaasertaqarpoq:

“§ 25. Kinguartitsisoqarnissaani aktiat pisassarisallu, inuup piffissami maanngaanniit nuuffiani pigisaasa nalunaarsorneqarfiat suliarineqassaaq, tak. § 23, imm. 1. Aktialli pisassarisallu akileraarutitaat § 23, imm. 5 malillugu naatsorsorneqartoq akilerneqarsimappat, taakku pigisat nalunaarsorneqarfianni ilanngunneqassanngillat. Aningaasat akilerneqartussatut kinguartinneqartut imm. 2-miit 4-mut maleruagassat malillugit akiligassanngussapput.

Imm. 2. Aktianik pisassarisanillu pigisat nalunaarsorneqarfianni ilaasunik tunisaqarnermi aningaasat akilerneqartussatut kinguartinneqartut akilerneqartussanngussapput. Aningaasat akilerneqartussatut kinguartinneqartut ilaat qanoq amerlatigisut akilerneqartussanngornerat aktiat pisassarisalluunniit ataasiakkaarlugit naatsorsorneqassapput. Aningaasat akilerneqartussatut kinguartinneqartut aktiat tunineqartut, aktianut selskabimi pineqartumi pigineqartunut tamarmiusunut sanilliullutik angissusiat naapertorlugu akiligassanngussapput. Pisassarisanut tunngatillugu aningaasat akilerneqartussatut kinguartinneqartut pisassarisap tunineqartup utertilluguluunniit akilerneqartup, pisassarisanut pigisat nalunaarsorneqarfianniittunut tamarmiusunut sanilliulluni angissusia naapertorlugu akiligassanngussapput.

Imm. 3. Aningaasat akilerneqartussatut kinguartinneqartut akileraartussaataitanerup atorunnaarneraniit kingusinnerpaamik ukiut qulit qaangiunneranni akiligassanngussapput.

Imm. 4. Inuk toqppat aktiat pisassarisallu pigisat nalunaarsorneqarfianniittut tamarmik tunineqartutut isigineqassapput.

Imm. 5. Ukiunut aningaasarsiorfiusunut aningaasanik akilerneqartussanik kinguartitsiffiusunut tamanut nammineerluni nalunaarsuiffimmik nassiussisoqartassaaq. Nammineerluni nalunaarsuiffiup nassiunneqarneranut ilutigitillugu piffissami nassiussiffiusumi najugaq pillugu paasissutissiisoqartassaaq. Nammineerluni nalunaarsuiffimmik nassiussinissamut piffissaliussaq tassaavoq ukiumi, ukiup aningaasarsiorfiusup qaangiunnerata tulliani ulloq 1. maj. Nammineerluni nalunaarsuiffimmik nassiussinissamut piffissaliussaq tallimanngornermi arfininngornermiluunniit naappat, nammineerluni nalunaarsuiffimmik piffissaagallartillugu nassiussineq sapaammi pisinnaavoq. Nammineerluni nalunaarsuiffik piffissaagallartillugu nassiunneqanngippat kinguartitsisineq atorunnaassaaq, aningaasallu akilerneqartussatut kinguartinneqartutut sinneruttut akilerneqartussanngussallutik. Nammineerluni nalunaarsuiffimmik nassiussinissamut piffissaliussap qaangerneqalaarnera Akileraaruseriffiup soqutiginnigissinnaavaa.

Imm. 6. Aningaasat imm. 2-miit 4-mut pineqartut akilerneqarfiannaannut piffissaliussaq tassaavoq ukiumi, ukiup aningaasarsiorfiusup imaluunniit ukiup toqquiup tulliani ulloq 1. september, ulloq piffissaagallartillugu akiliiffissaq kingulleq tassaalluni qaammatip akiligassan-

ngorfiup ulluisa 20-at. Ulloq piffissaagallartillugu akiliiffissaq kingulleq nalliuttuuppat arfininngorneruppalluunniit, piffissaliussaq ulluinnarmut tullermut sivitsorneqassaaq. Aningaasat piffissaagallartillugu akilerneqanngippata Akileraaruserinermik ingerlatsineq pillugu Inatsisartut inatsisaanni § 43 atuutissaaq.

Imm. 7. Akileraaruseriffiup inuk nalequttumik piffissalerlugu qinnuigisinnaavaa uppernarsaatnik, aningaasat akilerneqartussatut kinguartinneqartut imm. 2-miit 5-imut maleruagassat malillugit akiligassanngortussat angissusilerneqarnissaannut atugassanik nassiusseqqullugu. Uppernarsaatit piffissaagallartillugu nassiuinneqanngippata kinguartitsineq atorunnaassaaq, aningaasallu akilerneqartussatut kinguartinneqartut sinneruttut akilerneqartussanngussallutik. Piffissaliussatut aalajangerneqarsimasumik qaangiineq akileraaruseriffiup soqutiginngisinnaavaa. Aningaasanik oqaaseqatigiit aappaanni pineqartunik akiliinissamut piffissaliussaq tassaavoq akileeqqusissutip nassiuinneqarnerata kingorna qaammatit marluk qangiunnerat, ulloq piffissaagallartillugu akiliiffissaq kingulleq tassaalluni qaammatip akiligassanngorfiup ulluisa 20-at.

Imm. 8. Inuup akileraaruseriffimmut akiliuteqartarnermigut aningaasat akilerneqartussatut kinguartinneqartut ikiliartortissinnaavai. Aktiat pisassarissallu taakkununga naapertuuttut pigisat nalunaarsorneqarfiannit, § 25, imm. 2, oqaaseqatigiit pingajuanni periaaseq malillugu peerneqartassapput. Aktiat pisassarissallu sorliit pigisat nalunaarsorneqarfiannit peerneqarnissat inuup oqaatigisinnaavaa.”

§ 26-mut

40. § 26 ima oqaasertaqarpoq:

“§ 26. Inuit § 24, imm. 1 malillugu kinguartitsisut Inatsisartut inatsisaat manna malillugu akileraartussaataaleqqippata, akilerneqartussatut kinguartinneqartunut kontu Akileraaruseriffiup qinnuteqartoqarneratigut atorunnaarsissavaa. § 21-mi maleruagassaq atorneqassaaq, taamaattorli aktiat pisassarissallu kinguartitsinermi pineqartut pisiarineranni akiat tassaassaaq piffissami maanngaanniit nuunnermi pisiarineranni akiat.

Imm. 2. Akileraaruseriffik naliliippat piffissami maanngaanniit nooqqaffiusumi nalinginnaanngitsunik iliortoqarsimasoq, matumani aamma selskabimit akissarsianik, iluanaarutisianik agguagarsianillu, aktiat nalingisa appariaateqarnerannik kinguneqartumik tunniussisoqarsimasoq imaluunniit niuernikkut iliutsinik allanik iliuuseqartoqarsimasoq, taava aningaasat akilerneqartussatut kinguartinneqartut tamarmik taakkualuunniit ilaasa akilerneqarnissaat, imaluunniit pigisat pisiarineranni akiisa akileraaruseriffiup naliliinera malillugu appartinneqarnissaat akileraaruseriffiup aalajangersinnaavaa. Tassani pineqarput inummut namminermut agguagarsiarititat il.il. aamma agguagarsisitsinerit iliutsillu allat pineqartup soqutigisaatut isigineqarsinnaasorineqartut.

Imm. 3. Aktiat pisassarissallu imm. 1-imi pineqartut akileraarutaannik §§-it 11-miit 17-imut aamma § 23, imm. 4-miit 5-imut malillugit naatsorsuinermi akileraarutit naalagaaffimmut takornartamut, Danmarkimut Savalimmiunullu akilerneqarsimasut ilanngaatigineqassapput.”

Kapitali 8-p qulequtaanut

41. Kapitali 8-p qulequtaa ima oqaasertaqarpoq:

”Kapitali 8

Nalinganik angissusiliisarneq pillugu maleruagassat”

§ 27-mut

42. § 27 ima oqaasertaqarpoq:

”§ 27. Aktiap il.il. niuernermi nalinga ilisimaneqanngippat niuernermi nalinganik angissusiliisoqassaaq.

Imm. 2. Nalinganik naatsorsuinissaq pillugu maleruagassat sukumiinerusut Naalakkersuisut aalajangersarsinnaavaat, matumani aamma aalajangersarsinnaallugit akileraartussaataasut akileraaruseriffimmit akuerineqarlutik niuernermi nalinganik naatsorsueriaatsinik allanik atuisinnaanerannik maleruagassat, kiisalu nalinganik naatsorsueriaaseq aalajangersimasoq inuup atorpagu, taava naatsorsueriaatsip taassuma, nalinganik kingusinnerusukkut naatsorsuinissami atorpeqarnissaa aalajangersinnaallugu.

Imm. 3. Aktiap pisuni ataasiakkaani nalingatut naatsorsorneqartoq niuernermi nalinganit allaanerungaatsiartussatut nalilerneqarpat, nalinga imm. 2-mi maleruagassat malillugit naatsorsorneqartoq akileraaruseriffiup atuutsinngissinnaavaa.”

Kapitali 9-p qulequtaanut

43. Kapitali 9-p qulequtaa ima oqaasertaqarpoq:

”Kapitali 9

Akileraarutit akilerneqarnissaat nammineerlunilu nalunaarsuinissaq pillugit maleruagassat”

§ 28-mut

44. § 28 ima oqaasertaqarpoq:

”§ 28. Akileraaruseriffik aktiat pisassarissallu inaarutaasumik akileraarutitaannik, §§-ini 11-miit 17-imut malillugit ukiumi iluanaarutit annaasaqaatillu tunngavigalugit naatsorsuissaaq, inaarutaasumillu naatsorsuinermit ilanngullugu nassiutissallugu aningaasaatinit ukiumi iluanaarutit akileraarutaasa naatsorsorneqarnerat. Akileraarusiineq piffissaliussaq, Akileraaruserinermik ingerlatsineq pillugu Inatsisartut inatsisaanni § 21, imm. 1-imi aalajangersarneqartoq nallertinnagu naammassineqarsimasariaqarpoq.

Imm. 2. Aningaasaatinit iluanaarutit akileraarutitaat Akileraaruserinermik ingerlatsineq pillugu Inatsisartut inatsisaanni § 24, imm. 1-imiit 3-mut maleruagassat malillugit akiligassiisuttigineqassapput.”

§ 29-mut

45. § 29 ima oqaasertaqarpoq:

”§ 29. Akileraartussaataaasoq aningaasaatinit iluanaarutitut tunngatillugu akileraarutaagal-lartunik, Aningaasarsianit akileraarutit pillugit Inatsisartut inatsisaanni § 85 malillugu akileraaruseriffimmut akiliisinnaavoq.”

§ 30-mut

46. § 30 ima oqaasertaqarpoq:

”§ 30. Akileraarutit naalagaaffimmut takornartamut, Danmarkimut Savalimmiumulluunniit akilerneqarsimasut ilanngaatigitinneqarnissaat akileraaruseriffiup, Aningaasarsianit akileraarutit pillugit Inatsisartut inatsisaanni § 69 malillugu nalunaarutigisinnavaa.”

Immikkoortup qulequtaanut

47. *Kapitali* 9-mi § 31-p qulequtaa ima oqaasertaqarpoq:

”Nammineerluni nalunaarsuinissaq pillugu maleruagassat”

§ 31-mut

48. § 31 ima oqaasertaqarpoq:

”§ 31. Aktiat pisassarissallu § 1-imi § 2-milu pineqartut pillugit nammineerluni nalunaarsuiffik akileraartartup, Akileraaruserinermik ingerlatsineq pillugu Inatsisartut inatsisaanni § 16 malillugu nammineerluni nalunaarsuiffianut ilutigitillugu nassiunneqassaaq, taamaattorli tak. § 32.

Imm. 2. Inuit nammineerluni nalunaarsuiffimmik paasissutissanik immersoriigaasumik tigu-saqartut nammineerluni nalunaarsuiffimmik nassitsinngissinnaapput, paasissutissat nammineerluni nalunaarsuiffimmi atorneqarsimasut kisitsisilluunniit nammineerluni nalunaarsuiner-mi atugassatut nalunaarutigineqarsimasut eqqortuullutillu tamakkiisuuppata.

Imm. 3. Nammineerluni nalunaarsuiffimmut imm. 1-imiit 2-mut pineqartumut, Akileraaruserinermik ingerlatsineq pillugu Inatsisartut inatsisaanni §§-it 47-miit 48-mut atuupput.”

Immikkoortup qulequtaanut

49. *Kapitali* 9-mi §§-it 32-p 33-llu qulequtaat ima oqaasertaqarpoq:

”Aktiat aningaasanik niuerfimmi nalunaarsorneqanngitsut pillugit ullormi 1. januar 2020-mi nammineerluni nalunaarsuinissaq”

§ 32-mut

50. § 32 ima oqaasertaqarpoq:

”§ 32. Akileraartussaataasut aktiat il.il. ullormi 1. januar 2019-imi aningaasanik niuerfimmi nalunaarsorneqanngitsut pigisamik nalingat kingusinnerpaamik 1. januar 2020-mi nammineerlutik nalunaarutigissavaat. Nammineerluni nalunaarsuiffik immersugassaq akileraaruseriffimmit suliarineqarsimasooq atorlugu nassiunneqassaaq. Selskabini Kalaallit Nunaanni angerlarsimaffeqartuni aktiat aningaasanik niuerfimmi nalunaarsorneqanngitsut nammineerluni nalunaarutigineqarsinnaapput, nalingat selskabimit naatsorsorneqartoq tunngavigalugu, tak. imm. 2. Aktiat aningaasanik niuerfimmi nalunaarsorneqanngitsut pigineqartut allat nalingat imm. 3 malillugu nammineerluni nalunaarutigineqassapput. Akileraartussaataasooq pigisaminik, piffissaliussaq oqaaseqatigiinni siullerni pineqartoq qaangiutsinnagu nammineerluni nalunaarutiginninngippat, nalingat nul-umik angissusilerneqassaaq. Akileraartussaataasooq naparsimanini naatsorsuutiginnigilluinnakkaminilluunniit pisut immikkut ittut pissutigalugit pigisaminik nammineerluni piffissaq eqqorlugu nalunaarutiginnissimanninngippat oqaaseqatigiit tallimaanni aalajangersakkap atuutsinneqannginnissaa akileraaruseriffiup qinnuteqartoqarneratigut akuerisinnaavaa. Akileraaruseriffiup pigisat nalingat Akileraaruserinermik ingerlatsineq pillugu Inatsisartut inatsisaanni § 58 naapertorlugu missingersuilluni angissusilerpagu annaasaqaatit ilanngaatigineqarsinnaanngillat, tak. §§-it 15-imiit 17-imut.

Imm. 2. Selskabit Kalaallit Nunaanni angerlarsimaffeqartut selskabip nalinga, ullormi 1. januar 2019-imi aktiaatitut il.il. ataasiakkaanut agguataarlugu, maleruagassat Naalakkersuisunit aalajangersarneqartut malillugit, tak. § 27, naatsorsussavaat. Naatsorsugaq kukkunersuisutut nalunaarsorneqartut naalagaaffimmillu akuerineqartunalingannik angissusiliinermi periaatsip maleruagassanik Naalakkersuisut aalajangersagaannik naapertuineranik, aammalu atortussat paasissutissallu, nalingannik angissusiliinermi tunngavigineqartut naammannerannik paasissutissanullu pigineqartunut sanilliullugit eqqortuunerannik qulakkeerisussap atsiussavaa. Selskabip nalingannik angissusiliineq pillugu paasissutissat selskabimi aktiaatilinnit tamanit, kingusinnerpaamik ulloq 1. november 2019-imi takuneqarsinnaanngortissavai. Selskabip nalingannik angissusiliinissap il.il. suliarineqarnerannut atatillugu kukkunersuisumut avataaniillu ikiortimut allamut aningaasartuutai selskabip aningaasarsiaasa akileraaruteqaataasussat naatsorsorneranni ilanngaatigineqarsinnaapput. Selskabip uppersaatissat suut aktiaatilinnit takuneqarsinnaanngortissanerai Naalakkersuisut erseqqinnerusunik maleruagassiuussinnaavaat. Selskabit ullormi 1. januar 2019-imi Namminersorlutik Oqartussanit, kommuninit aamma selskabinit allanit 100 procentimik, taaneqartunilluunniit akuleriinnit pigineqartut nalingannik angissusiliineq oqaaseqatigiinni siullerni taaneqartoq suliarissanngilaat.

Imm. 3. Aktiat ullormi 1. januar 2019-imi niuernermi nalingat malillugu nalunaarutigineqassapput. Ullormi 1. januar 2019-imi niuernermi nalingat pigineqanngippat taannaluunniit uppersaatissaqanngippat nalingat, maleruagassat Naalakkersuisunit aalajangersarneqartut malillugit naatsorsorneqassaaq, tak. § 27. Akileraartussaataasut aktiat nunamit allameersut, matumani aamma Danmarkimeersut Savalimmiuneersullu aningaasanik niuerfimmi nalunaarsorneqanngitsut nalingannik naatsorsugaat kukkunersuisutut nalunaarsorneqartut naalagaaffimmillu akuerisaasup, nalingannik angissusiliinermi periaatsip maleruagassanik Naalakkersuisut aalajangersagaannik naapertuineranik, aammalu atortussat paasissutissallu, nalingannik angissusiliinermi tunngavigineqartut naammannerannik paasissutissanullu

pigineqartunut sanilliullugit eqqortuunerannik qulakkeerisussap atsiussavai. Oqaaseqatigiit siulliit malillugit nammineerluni nalunaarsuineq selskabip 2018-imut ukiumoortumik naatsorsuutai tunngavigalugit pissaaq.

Imm. 4. Akileraartussaataasut naliliussap § 32, imm. 1-imiit 3-mut malillugit nammineerluni nalunaarutigineqartup allanngortinneqarnissaa 1. januar 2023-mit kingusinnerusumi qinutigisinnaanngilaat. Taamatuttaaq aamma akileraaruseriffik nalingannik angissusiliinerup allanngortinneqarnissaa pillugu ilimasaarummik ullormit oqaaseqatigiinni siullerni taaneqartumit kingusinnerusumi nassiusaqarsinnaanngilaq. Naliliussarli ullormit oqaaseqatigiinni siullerni taaneqartumit kingusinnerusumi allanngortinneqarsinnaavoq, tak. § 31, imm. 3, akileraaruseriffik akileraartussaataasorluunniit pisuussuteqarani ilisimanninnginnini pissutigalugu nalingannik angissusiliisinnaasimanngippat allanngortitsisinnaasimanngippalluunniit.”

§ 33-mut

51. § 33 ima oqaasertaqarpoq:

”§ 33. Akileraaruseriffiup Inatsisartut inatsisaat manna malillugu aalajangiineri Skatterådimut, Akileraaruserinermik ingerlatsineq pillugu Inatsisartut inatsisaanni maleruagassat malillugit naammagittaalliuutigineqarsinnaapput.”

§ 34-mut

52. § 34 ima oqaasertaqarpoq:

”§ 34. Kinaluunniit pisortanut akileraaruteqanngitsoorumalluni piaaraluneerluni mianersuaaliorujussuarluniluunniit eqqunngitsumik paasinerluutaasinnaasumilluunniit, inuup akileraartussaataitaneranut apeqqutip aalajangiiffiginiarneranut atugassanik imaluunniit akileraarusiinnissap aalajangiiffigineqarneranut akileraarutilluunniit naatsorsornissaannut atugassanik paasissutissiisoq Kalaallit Nunaanni Pinerluttulerinermik inatsit naapertorlugu pineqaatissinnekassaaq.

Imm. 2. Kinaluunniit iliuuseq imm. 1-imi pineqartunut ilanngikkaluartoq, piaaraluni mianersuaaliorujussuarluniluunniit § 31-miit 32-mut malillugit pisussaaffimminik piffissaagallartilugu naammassinninngitsoq mianersoqqusummik akiliisitaanermilluunniit pineqaatissinnekarsinnaavoq.

Imm. 3. Maleruagqusani Inatsisartut inatsisaat manna naapertorlugu atuutilersinneqartuni, Kalaallit Nunaanni Pinerluttulerinermik inatsimmi maleruagassat naapertorlugit akiliisitsinermik pineqaatissiisarnissaaq pillugu maleruagassiortoqarsinnaavoq.

Imm. 4. Inatsisartut inatsisaat imaluunniit Inatsisartut inatsisaat naapertorlugu maleruagqusat akiliisitsissummik aalajangersaasinnaanermik periarfissiippata inatsisit malillugit inuttut isigineqarsinnaasoq Kalaallit Nunaanni Pinerluttulerinermik inatsimmi maleruagassat naapertorlugit akiliisinneqarsinnaavoq.

Imm. 5. Imm. 1-imiit 4-mut naapertorlugit akiliisitsissutit landskarsip pisassarai.”

§ 35-mut

53. § 35 ima oqaasertaqarpoq:

”§ 35. Unioqqutitsineq akiliisitsissutip saniatigut annertunerusumik malersorneqartariaqanngitsutut akileraaruseriffimmit nalilerneqarpat Naalackersuisut, Naalackersuisulluunniit tamatumunnga piginnaatitaata pineqartumut nalunaarutigisinnaavaat suliassaq eqqartuussinertaqanngitsumik naammassineqarsinnaasoq, pineqartup unioqqutitsinini nassuerutigippagu akiliisitsissullu nalunaarummi taaneqartoq piffissap erseqqinnerusup, qinnuteqarnikkut sivitsorneqarsinnaasup ingerlanerani akilerumappagu.

Imm. 2. Nalunaarummut imm. 1-imi taaneqartumut atatillugu, allakkat unnerluussutigineqartut imarisaannut tunngatillugu Kalaallit Nunaanni eqqartuussisarnermik inatsimmi maleruagassat taamatutaaq atuupput.

Imm. 3. Akiliisitsissut piffissaagallartillugu akilerneqarpat, aalajangiunneqarnermiluunniit kingorna akiliisitsiniarnikkut akilersinneqarpat suliaq malersoqqinneqassanngilaq.”

§ 36-mut

54. § 36 ima oqaasertaqarpoq:

”§ 36. Inatsisartut inatsisaat una 1. januar 2019-imi atortuulissaaq.

Imm. 2. Inatsisartut inatsisaat pappiaranit aningaasanik nalilinnit iluanaarutit akileraaruti-taannik naatsorsuinermi ukioq aningaasarsiorfiusoq 2019 aallarnerfigalugu sunniuteqartumik atuutissaaq.”

Oqaaseqaatit nalinginnaasut

Allannguutissatut siunnersuutip siunertaa pingaarneq tassaavoq inatsisip kalaallisuuata oqaasertaanik iluarsinissaaq, amigaateqartormi paasineqarmat. Inatsisip atuutsitsinerup assigii-aartuunissaa qulakkeerniarlugu oqaatsinik atuinerup paatsoornartuunnginnissaa assigiiartuunissaalu pingaartuuvoq.

Taakkuninnga allannguinerup saniatigut siunnersuutaapput Kalaallit Nunaanni selskabini aktiat aningaasanik niuerfimmi nalunaarsugaanngitsut nammineerluni nalunaarutigineqarnissaannik maleruagassanik allanngineq, kiisalu aktiat aningaasanik niuerfimmi nalunaarsugaanngitsut allat nammineerluni nalunaarutigineqarnissaannik maleruagassanik erseqqissaneq.

Allannguutissatut siunnersuutip imarisaa kingulleq akileraarutitigut isertitassat landskarsimit, kommunimit akileraarfiusumit (kommuni akileraartussaataasup najugaqarfigisaa) kommuninillu qanoq agguataarneqarnissaannut tunngasuuvoq. Agguataarneqarnissaat inatsisissatut siunnersuummi isummerfigineqarsimanngikkaluarpoq. Siunnersuutaavoq agguataarneqarnissaat periaaseq iluanaarutisianit akileraarutinut aamma selskabit akileraarutaannut maanna atuuttoq

malillugu pisassasoq. Taassuma kingunerissavaa isertitassat landskarsimit, kommunimit akileraarfiusumit kommuninillu agguataarneqartassasut.

Allannguutissat siunnersuutip imarisai pingaarnert

Aktiat anpartillu aningaasanik niuerfimmi nalunaarsugaanngitsut nalingannik angissusileeri-aatsinik eqqartuisoqarnissaa siunertaralugu aaqqissuussamik kukkunersiuisunit eqqartuussis-suserisunillu peqataaffigineqartumik ingerlatsisoqarsimavoq.

Aaqqissuussami siunnersuutigineqarpoq selskabit Kalaallit Nunaanni angerlarsimaffeqartut nalingannik naatsorsuisarnissamik peqquneqarnissaat naleqquttuussasoq, taamaalillutik akile-raartussaataitaasut selskabini aktiaateqartut pigisaminnik nammineerlutik nalunaaruteqarnissa-minni taakku nalingisa angeqqataannik atuisinnaaqqullugit. Tamanna tunngavigalugu § 32 allanngortinneqassasoq siunnersuutigineqarpoq.

Taamaaliornikkut selskabit naatsorsuusiornikkut aningaasatigullu pisussaaffilerneqassapput, tamannalu akileraartussaataitaasunut ataasiakkaanut oqilisaataassaaq. Selskabit naatsorsuutitut tunngasut nalingannik angissusiliinissami pisariaqartinneqartut pigaat, nalingannillu angissu-siliinissamut aningaasatigut nammassinnaanerullutik. Taamaammat allannguutissat siunner-suutip pitsaaqutigai nalingannik angissusiliinissat tunngavissagissaarnerulluni pisinnaanerat, kiisalu nalingannik angissusiliinerit selskabimi aktiaatilinnut tamanut assigiimmik pinissaat.

Selskabilli nunani allaneersut aningaasanik niuerfimmi nalunaarsugaanngitsut periaatsimi pi-neqartunut ilaatinneqarsinnaanngillat, selskabimmi taakku Inatsisartut inatsisiliuussinnaan-ngimmatigik. Tamakkununga tunngatillugu akileraartussaataitaasut ataasiakkaat nalingannik, naatsorsuutit pigineqartut tunngavigalugit angissusiliisariaqassapput, § 32, imm. 3-mi aalaja-ngersakkat malillugit aamma maleruagassat § 27 malillugu aalajangersarneqartut malillugit.

Aktiat aaqqissuussaasumik niuerfimmi nioqqutigineqarsinnaanngitsut niuernermit nalingat na-lorninartortaqqarpoq. Nalingannik angissusiliineq eqquissuunngisaannarmat, selskabimmi pif-fissami sumiluunniit nalingannik eqqoriaaginnarluni naatsorsuinermit tunngaveqarmat.

Akileraartussaataitaasut ataasiakkaat, pingaartumik aktianik ikinnerusunik pigisaqarunik nali-ngannik eqqoqqissaartumik angissusiliinissartik ajornakusoortitorujussuussavaat, inuimmi taakku selskabip aningaasaqarnera siunissamilu isertikkumaagassai pillugit paasissutissaataa-nik naammattumik takunninnissaminnut periarfissaqarnaviannngimmata. Aammattaaq nali-ngannik angissusiliinermit tassunga atatillugu kukkunersiuisumut il.il. aningaasartuutaasussat aktiaatilinnut ataasiakkaanut aningaasartuutaasorujussuussapput.

Selskabit DCF-imik (Discounted Cash Flow) imaluunniit nalingannik angissusiliinermit peri-aatsinik allanik atuinerikkut selskabit aktiaataasa nalingi qaffasippallaamik angissusileratar-sinnaavaat, tamannalu kingusinnerusukkut tunisinermit il.il. akileraarutissaviisa appasinneru-nerannik kinguneqassaaq.

Nalingannik angissusiliineq selskabimit isumagineqarmat aktiaatilinnullu tamanut assigiim-mat, aktiat aktiaatilinnut ataasiakkaanut, tassa pineqartup aktianik amerlanermit ikinnerusunil-

luunniit peqarnera apeqqutatillugu niuernermi nalingata qaffasinnerusinnaanera appasinnerusinnaaneraluunniit angissusiliinermi eqqarsaatigineqarnaviangilaq.

Selskabip nalingannik angissusiliinermik, selskabimi aktiaatilinnit takuneqarsinnaanngortitsinermi saniatigut aammattaaq naatsorsuinermi uppersaatissat pisariaqartut aktiaatilinnut ataasiakkaanut pissarsiarineqarsinnaanngortissavai. Tamatuma siunertaraa akileraartussaati-taasut tunngavissagissarlutik nammineerlutik nalunaarsuisinnaanissaat.

Nalingannik angissusiliinissamik selskabit pisussaaffilerneqarnerat akileraartussaati-taasut ataasiakkaat pigisaminnik eqqortumik nammineerlutik nalunaarsuisussaati-taanerannik allan-guinaaviangilaq.

Nalingannik angissusiliinerup allanngortinneqarnissaata 1. januar 2023-p tungaanut ukiut pi-ngasut tikillugit ilimasaarutigineqarsinnaanissaanik aalajangersaanissaq siunnersuutaavoq. Al-languineq pisinnaavoq taanna aktiap niuernermi nalinganut naapertuutinnigippat imaluunniit naammaginarumik uppersaatissaqartinneqanngippat, assersuutigalugu nalingannik angis-susiliineq uppersaatissalluunniit amigaateqarpata. Angissutiliinermik allanngortitsisinnaa-neq akileraartussaati-taasumut akileraaruseriffimmullu atuuppoq. Akileraartussaati-taasup nali-ngannik angissusiliinerup allanngortinneqarnissaa qinnutigisinnavaa, akileraartussaati-taasup pissutsit, nalingannik angissusiliinerup annertuumik sunniuteqarsinnaasut uppersarsin-naappagit.

Nalingannilli angissusiliineq aammattaaq ullup 1. januar 2023-p kingorna allanngortinneqar-sinnaavoq, akileraartussaati-taasoq akileraaruseriffilluunniit nammineq pisuussuteqarani ilisi-mannissimangippat.

Siunnersuummi § 27-mi allaqqavoq naatsorsueriaatsip ullormi 1. januar 2019-imi nalingannik naatsorsuinermi atorineqartup aktiat, qanigisamut maanngaanniilluunniit nuunnermi kingusin-nerusukkut tunineqarpata atorineqarnissaa pillugu maleruagassat sukumiinerusut Naalakkersu-isunit aalajangersarneqarsinnaasut. Taamatut piumasaqaateqarneq nalingannik qaffasippallaa-mik angissusiliisoqaratarsinnaaneranik pinngitsoortitseqataasinnaavoq. Tamannali illuatunge-riit soqutigisaqaqatigiunngitsut niueqatigiippata atuutissangilaq.

Aammattaaq siunnersuutaavoq erseqqissarneqassasoq nammineerluni nalunaarsuiffimmik nassiussinnginnerup kingunerissagaa aktiat ullormi 1. januar 2019-imi nalingat nul kr.-iusutut isigineqassasoq. Nalingannik nul kr.-imik angissusiliinerup kingunerissavaa kingusinnerusuk-kut tunisaqarnerup qaffasinnerusumik akileraaruserneqarnissaa, tassa inuup pigisani nammi-neerluni nalunaarutigisuuppagit taamaannaviangikkaluarmat, taassumalu saniatigut aamma selskabi akiliisinnaajunnaassagaluarpat annaasaqaatit ilanngaateqarsinnaassanngillat.

Inuk nammineerluni nalunaaruteqarsimappat, nalingalli nammineerluni nalunaarutigisaa aki-leraaruseriffiup ilimanaateqanngitsutut qaffasippallaarsorippagu akileraaruseriffik pisariaqar-pat angissusiliisariaqassaaq, matumunngalu ilanngullugu nalingannik naqqisariaqassalluni.

Nalingat nammineerluni nalunaarutigineqartoq nammineerluni nalunaarsuinerup uppersarsar-sinnaangippagu ilimanarsisinnngippaguluunniit akileraaruseriffik ullormi 1. januar 2019-imi nalingannik missingersuilluni angissusiliisariaqassaaq. Akileraaruseriffik taamatut missingersuilluni angissusiliippat nalingannut tassunga sanilliullugu annaasaqaatit ilanngaatigineqarsinnaassanngillat.

Tusarniaaneq

Allannguutissatut siunnersuut allannguutitalimmit tigulaakkat tallimannngornermit ulloq 27. oktober marlungornermut ulloq 31. oktober makkununga tusarniaassutigineqarput:

Sulisitsisut, Deloitte, Grønlands Revisionskontor, KANUKOKA, EY, Grønlandske Advokater, BDO aamma BK revision.

Tusarniaanermut akissutit tiguneqartut matumani kinguliani naalisarlugit aqqissorlugillu nassuiaatigineqarput. Naalakkersuisut oqaaseqaataat *uingasunik* allanneqarput.

KANUKOKA

KANUKOKA-mit oqaatiginearpoq allannguutissatut siunnersuutip kingunerissagaa iluanaarutit Nunatta Karsiata, kommunip akileraarfiusup kommunillu akileraarfiup akornanni agguataarneqassasut. KANUKOKA-mit kaammattuutigineqarpoq oqaaseq ”kommuni akileraarfiusoq” allanngortinneqassasooq kommuninut.

§ 9, imm. 2-mi oqaaseq ”kommuni akileraarfik” marloriarlugu allanneqarsimavoq. Kukkuneq iluarsineqarpoq. Nassuiaat aamma ilanngunneqanngilaq. Kommuni akileraarfik oqariaasiuvoq akileraaruserinermik ingerlatsineq pillugu Inatsisartut inatsisaanni oqaasiuvoq, tasaanerullunilu kommuni akileraartussaataasup najugaqarfia. Kommunit agguataarneqarnerisa avataatigut sumiiffik pineqarpat akileraaruserinermik inerlatsivik kommunitut akileraartarfittut isigineqartarpoq.

Deloitte

Inatsisissatut siunnersuut aningaasarsianit akileraarutit pillugit Inatsisartut inatsisaanni iluanaarutinut akileraarutit pillugit maleruaqqusanut atatillugu isiginiassagaanni ingerlatseqatigiiffinni iluanaarutinik sunniuteqanngitsumik assigiiaartumillu akileraarusersuinerup siuarsarneqarnissaa pillugu inatsisissatut siunnersuummi siunniunneqartoq pisut ilaanni anguneqarsinnaanngitsoq Deloittemit oqaatigineqarpoq. Deloittemit assersuut aalajangersimasooq tikkuarneqarpoq, tassalu ingerlatseqatigiiffik atorunnaalersooq ingerlatseqatigiiffinnut akileraarummik akileeriarluni tullianik iluanaarutinut akileraarummik akiliissasooq, tassa ingerlatseqatigiiffiup atorunnaalerneranit ukiup tulliani isertitat iluanaarutit tunniunneqartut ilanngaaffigineqarsinnaanngimmata.

Oqaaseqaat allannguinnissamat tunngavissinngilaq. Tassunga atatillugu oqaatigineqassaaq apeqqut saqqummiunneqartoq inatsisissatut siunnersuummut matumunnga pinnani

ningaasarsianit akileraarutit pillugit Inatsisartut inatsisaaannut atuuttumut atuumassuteqarmat.

Naliusumik annertussusiliineq eqqarsaatigalugu siunnersuut isummerfigiuminaatsoq Deloittemit oqaatigineqarpoq, tassa aktiat nalingannik annertussusiliineq pillugu maleruaqqusat siunnersuut malillugu nalunaarutikkut atuuttussanngortinneqartussat ilisimaneqanngimmata.

Tassunga atatillugu oqaatigineqassaaq siunnersuummi § 27-mut nassuiaatini naliusunik annertussusiliinissamat periusissatut pilersaarutigineqartoq nassuiaatigineqarmat. Tamatuma saniatigut aktiat nalingannik annertussusiliisarnermi naatsorsuutitigut periutsit nunani tamalaani akuerisaasut atorneqalernissaasa pingaartinneqarnissaa naatsorsuutigineqarpoq.

§ 32, imm. 2,-mut atatillugu Deloittemit oqaatigineqarpoq naliusumik annertussusiliineq ”kukkunersiuisumit akuerisaasumi² uppernarsarneqassasoq. Taama oqariaaseq danskit kukkunersiuisunut inatsisaanni danskit kukkunersiuisuinut atuuttoq.

Oqaaseqaat ilanngunneqarpoq. Kukkunersiuisut nunatsinni nalunaarsorneqartut naalagaaffimillu akuerineqartut siunnersuut malillugu uppernarsaasiisinaanerat maanna erseqqissaatigineqarpoq.

Deloittemit oqaatigineqarpoq § 32, imm. 3-mi oqaaseqatigiit aappaat pingajuilu misissorneqartariaqartut. Kiisalu Deloittemit oqaatigineqarluni naliusumik annertussusiliinissaaq pillugu aalajangersakkami allaqqammat 2018-imi ukiumoortumik naatsorsuutit aallaavigalugit suliarineqassasoq. Tamatuma kingunerissavaa ingerlatseqatigiiffinnut nunani tallaneersunut atatillugu naliusunik annertussusileeriaatsit allat atuutissammata, tamatumalu kingunerissallugu ingerlatseqatigiiffiit assigiikkaluarlutik ingerlatseqatigiiffik nunatsinni pigineqarnersoq nunanilluunniit allanit pigineqarnersoq apeqqutaatinnagut nalingat assigiinngitsumik annertussusilerneqarsinnaammat.

Oqaaseqaat ilanngunneqarpoq. Ukiumoortumik naatsorsuutit kingulliit atortussallu attuumassuteqartut allat tunngavigalugit naliusumik annertussusiliisoqartassasoq erseqqissaatigineqarpoq. Aalajangersakkami anguniarneqartoq tassaavoq naliusumik annertussusiliinermi ingerlatseqatigiiffik pillugu paasisutissat nutaat pissarsiarineqarsinnaasut tunngavigineqarnissaat qulakkeerneqassammat.

Deloitte mit oqaatigineqarpoq § 8 malillugu inatsissatut siunnersuummi pineqarmata inuit tamakkiisumik killilimillu akileraartussaataitaasut. Tassunga atatillugu Deloittemit oqaatigineqarpoq nassuiaatit naammangitsut aammalu kikkut namminneerlutik nalunaarsuisussaataitaanersut erseqqissaatigineqartariaqartoq. Pingaartumik pisussaataitaaneq tamanna killilimmik akileraartussaataitaasunut aamma atuutissanersoq erseqqissaatigineqassasoq Deloittemit kissaatigineqarpoq.

Oqaaseqaat ilanngunneqarpoq. Kikkut namminneerlutik nalunaarsukkaminnik tunniussissanersut siunnersuummut nassuiaatini erseqqissaatigineqarpoq. Nammineerluni nalunaarsuisussaataitanermi pisussaaffigilineqartut tassaapput inuit Kalaallit Nunaani pappilianik nalilinnit iluanaaruteqartarnermut akileraartussaataitaasut. Inuit taakku tamakkiisumik akileraartussaataitaapput kiisalu inuit Kalaallit Nunaanni aalajangersimasumik ingerlataqarnermikkut immikkut inissisimasut. Killilimmik akileraartussaataitaasut pappiaqqanik nalilinnik iluanaaruteqarnermut aallaaviatigut akileraartussaataitaassanngillat aammalu siunnersuummi 1/2 32 malillugu nammineerluni nalunaarsukkanik tunniussisussaataitanatik.

Aammattaaq Deloitte isumaqarpoq nammineerluni nalunaarsukkanik tunniussinnginneq akileraaruserinermik ingerlatsineq pillugu Inatsisartut inatsisaanni § 19 malillugu ilassutitut akiliisinneqarsinnaanerat nassuiaatini erseqqissaatigineqartariaqartoq.

Oqaaseqaat ilanngunneqarpoq. Nammineerluni nalunaarsukkanik kingusinaarluni tunniussineq akileraaruserinermik ingerlatsineq pillugu Inatsisartut inatsisaanni § 19 malillugu tapiliussamik akiliisitsisoqarsinnaasoq erseqqissaatigineqarpoq.

Siunnersuummi § 32, imm. 1-ip nassatarisaanik uninngasuutit pillugit nammineerluni nalunaarsukkanik tunniussinnginnerup kingunerissagaa aktiat 1. januar 2019-imit 0 kr.-inik naleqartutut isigineqassammata. Tamanna inatsisitigut kinguneqartinneqartariaqanngitoq Deloitte isumaqarpoq, akerlianilli isumaqarluni akileraarusersuenermik ingerlatsivik aktiat nalingannik missingisariaqartoq. Akileraartussaataitaasut assersuutigalugu aktia malillugu annikitsuinnarmik uninngasuutillit tamannalu pissutiglaugu naliusumik annertussusilisitsinissamut aningaasanik atuerusunngitsut maleruaqqusamit eqqorneqarsinnaasut.

Oqaaseqaatip ilaannaa ilanngunneqarpoq. Aallarniutigalugu erseqqissaatigineqassaaq akileraartussaataitaasoq uninngasuutini pillugit nammineq nalunaarsuinngippat inatsisitigut kinguneqarsitsinissaq atuutsinneqalissappat tamanna illersorneqarnissamut maleruaqqusanut attuumassuteqarmat erseqqissaatigineqassaaq. Aalajangersakkap oqaasertassaatut siunnersuummi maanna tamanna erseqqissaatigineqarpoq. Akileraartussaataitaasut uninngasuutitik pillugit namminneerlutik nalunaarsuinissamut kajumissarneqarnissaat aalajangersakkakkut siunertarineqarpoq. Akileraartussaataitaasoq uninngasuutini pillugit nammineq eqqortunik nalunaarsuisimanngippat akileraartarnermik aqutsisoqarfik naliusumik annertussusiliissaaq imaluunniit missinguilluni annertussusiliissalluni. Inatsisitigut kingunerisitassatut siunnersuutigineqartut pissutiniq arlalinnik aallaaveqarput. Ilaatigut kikkut aktianik piginittuunersut, aktiat il.il. Naliviat akileraartarnermut aqutsisoqarfimmit nalinginnaasumik ilisimaneqarneq ajorpoi. Ilaatigullu paasissutissat il.il. amigaatigineqarnerat pissutigalugu ukiualunnguit qaangiuppata akileraartarnermik aqutsisoqarfiup 1. januar 2019-imit aktiat naliviat missingeruminaatsissavaat. Pissusissamisunngitsumik pisoqarnissaa pinngitsoortinniarlugu taarsiiffigineqarnissamut periarfissaq ilanngunneqarpoq.

Grønlands Revisionskontor (GR)

1. januar 2019-imit naliusut nammineerluni nalunaarsuineri 0 kr.-imik annertussusilerneqarnissaat aalajangersakkani pineqarpoq. GR isumaqarpoq taama ”pillaaneq” ”iliuserisimasamut” tulluutinngitsoq. Pisinermi pissarsiarisimasinnaasanut uppersaasinnaanermut peqatigitillugu naliusunik annertussusiliisinaaneq pillugu aqutsinermi maleruagassanik nalinginnaasumik atuutsitsisoqartariaqarpoq.

Oqaaseqaat ilanngunneqanngilaq. Deloittemit akissut siuliani allassimasoq innersuussutigineqarpoq. Oqaatigineqassaaq assersuutigalugu tunisinermi nammineerluni nalunaarsuisoqarsimannginneranik paasisaqarnissamut ukiut arlallit ingerlasinnaammata. Akileraartarnermik aqutsisoqarfiup aktiat nalingannik nalilersuisinnaanera sutigulluunniit ajornarsinnaavoq. Aammattaaq akileraaruserinermik ingerlatsisoqarfiup aalajangersakkanik avaqutsisinaanerat aalajangersakkami periarfissaatinneqarpoq, tassa aalajangersagaq naammaginangitsunik inerneqarsinnaanera pisuni immikkut ittuni pisinnaassammat.

Aalajangersakkanut ataasiakkaanut oqaaseqaatit

Nr. 1-imut

Allannguutissatut siunnersuut inatsisissatut siunnersuutip taaguutaata kalaallisuanik iluarsiivoq.

Nr. 2-miit 12-imut

Allannguutissatut siunnersuut siunnersuummi §§-it 1-imiit 8-mut, kiisalu kapitalit qulequtaasa immikkoortullu qulequtaasa kalaallisuanik iluarsiivoq. Aammattaaq inatsisip oqaasertaasa qallunaatuuini naqinnerliukkat il.il. amerlanngitsut aaqqinneqarput.

Nr. 13-imut

Imm. 2-mut.

§ 9, imm. 2-tut siunnersuutip erseqqissarpaa akileraarutitigut isertitassat landskarsip, kommunip kommunillu, akileraaruserinermik ingerlatsineq pillugu Inatsisartut inatsisaanni maleruagassat malillugit pisassarigaat, aammalu iluanaarutisianit akileraarutitigut aamma kisermaassamit akileraarutitigut isertinneqartartut agguataarneqartarnerattuulli agguataarneqartassasut.

Tamatuma kingunerissavaa akileraarutitigut isertitassat landskarsimit, kommunimit akileraarfiusumit kommuninillu akileraarfiusunit agguataarneqartassasut, kommunimut akileraarut, nuna tamakkerlugu akileraarut, nuna tamakkerlugu immikkut akileraarut kommuninullu ataasimut akileraarut aallaavigalugit.

Nr. 14-imut

Imm. 3-mut.

§ 10, imm. 3-tut siunnersuutikkut erseqqissarneqarpoq akileraarutitigut isertitassat selskabit akileraarutaasigut isertitassatuulli agguataarneqartassasut.

Nr. 15-imiit 38-mut

Allannguutissatut siunnersuut siunnersuummi §§-it 11-miit 24-mut, kiisalu kapitalit qulequtaasa immikkoortullu qulequtaasa kalaallisuanik iluarsiivoq. Aammattaaq inatsisip oqaasertaasa qallunaatuuini naqinnerliukkat il.il. amerlanngitsut aaqqinneqarput.

Nr. 39-mut

Siunnersuummi § 25-mi oqaaseq ”taamaatinnermi” allanngortinneqarpoq ima ”maanngaanniit nuuffiani”. Taamaaliornikkut siunnersuummi oqaatsinik atuineq assigiinnerulersinneqarpoq, tassami taaguut piffissaq maanngaanniit nuunneq siunnersuummi § 26-mi atorineqarmat.

Nr. 40-miit 47-mut

Allannguutissatut siunnersuut siunnersuummi §§-it 26-miit 30-mut, kiisalu kapitalit qulequtaasa immikkoortullu qulequtaasa kalaallisuuinik iluarsiivoq. Aammattaaq inatsisip oqaasertaasa qallunaatuuni naqinnerliukkat il.il. amerlanngitsut aaqqinneqarput.

Nr. 48-mut

§ 31, imm. 1-imut

Aalajangersakkami ilanngunneqarpoq ”taamaattorli tak. § 32”. Siunertaraa aktiat aningaasanik niuerfimmi nalunaarsugaanngitsut, siunnersuummi § 32 malillugu kingusinnerpaamik ullormi 1. januar 2020-mi nammineeirluni nalunaarutigineqarnissaat. Aktianik il.il., matumani aamma aktianik aningaasanik niuerfimmi nalunaarsugaanngitsunik pisineq tunisinerlu ukiuni kinguliini § 31 malillugu nammineeirluni nalunaarutigineqartassapput.

Imm. 2-mut

Imm. 2-tut siunnersuutaasumi taaguut ”ukiumoortumik nalunaarut” allanngortinneqarpoq ima ”nammineeirluni nalunaarsuiffik”, taannami akileraartarnermi inatsimmi taaguutinik atuiner-mut nalinginnaasumut naapertuunneruvoq.

Imm. 3-mut.

Imm. 3-tut siunnersuutaasoq nutaamik ilassutaavoq. Aalajangersakkami erseqqissarneqarpoq Akileraaruserinermik ingerlatsineq pillugu Inatsisartut inatsisaanni §§-it 47-miit 48-mut, siunnersuummi matumani § 31 malillugu nammineeirluni nalunaarsuinermi atuuttut.

Akileraaruserinermik ingerlatsineq pillugu Inatsisartut inatsisaanni § 47-p aalajangersarpaa akileraaruseriffiup angissusiliinermik suliareqqiisinnaanera, assersuutigalugu nammineeirluni nalunaarsuiffimmi kukkuneqarnera ilanngutinngitsuugaqartoqarneraluunniit paasineqarpat.

Aammattaaq akileraaruseriffik inatsimmi pineqartumi § 48 malillugu immikkut ittumik angissusiliisinnaavoq, akileraaruseriffik nammineq pisuussuteqarani ilisimannissimangippat, soorlu assersuutigalugu nalingannik angissusiliinermi paasissutissanik il.il. ilanngutinngisaqartoqarsimanageranik pissuteqartumik.

Nr. 49-mut

Allannguutissatut siunnersuutip immikkoortup qulequtaata kalaallisuaa iluarsivaa.

Nr. 50-imut

Imm. 1.

Akilerartussaataitaasut selskabini aningaasanik niuerfimmi nalunaarsugaanngitsuni aktiat pigisatik kingusinnerpaamik ullormi 1. januar 2020-mi nammineerlutik nalunaarutigisussaavaat.

Pisussaaffimmi tamatumani pineqarput inuit Kalaallit Nunaanni pappiaqqanik nalilinnik ilunaaruteqarnerminni akilerartussaataitaallutik namminneq nalunaarsuisussaataitanerat. Inuit tamatumani pineqartut aallaavittut tassaapput Kalaallit Nunaanni tamakkiisumik akilerartussaataitaasut pisullu ilaanni inuit Kalaallit Nunaannut tamakkiinngitsumik akilerartussaataitaagaluarlutik Kalaallit Nunaanni aalajangersimasumik ingerlatsinngitsut.

selskabini Kalaallit Nunaanneersuni aktiat pineqarpata, taava nammineerluni nalunaarsuineq aktiat nalingat, selskabit imm. 2-mi aalajangersagaq malillugu suliarisussaasaat tunngavigalugu pissaaq.

Akilerartussaataitaasup pigisaminik nammineerluni nalunaarsuinngitsoorniarsinnaanera imaluunniit pigisami ullormi 1. januar 2019-imi nalingat annaarlugu nammineerluni nalunaarsorniarsinnaagaa pisuni assigiinngitsuni ilimagineqarsinnaavoq. Tamatumunnga assersuutit kingunerisassaallu, kiisalu akileraaruseriffiup iliuuserisinnaasai ataani takuneqarsinnaapput:

<i>Pisoq</i>	<i>Kingunerisinnaasai, kiisalu akileraaruseriffiup piginnaatitaaffii</i>
Akilerartussaataitaasoq pissusissamisoortumik nammineerluni nalunaarsuivoq, nalingannillu angissusiliineq uppersaatissaqarlunilu eqqortumik naatsorsorneqarsimavoq	Ullormi 1. januar 2019-imi nalingat iluanaarutininik annaasaqaatinilluunniit kingusinnerusukkut naatsorsuinissami tunngavigineqassaaq
Akilerartussaataitaasup pigisani nammineerluni nalunaarutigai pisariaqartunillu uppersaatissaqarpoq, nalingannilli angissusiliineq qaffasippallaarpoq	Akilerartussaataitaasup nalingannik angissusiliineq akileraaruseriffimmut uppersaatissavaa. Nalingannik qaffasippallaamik angissusiliineq akileraaruseriffiup atuutsinngissinnaavaa, ullormilu 1. januar 2019-imi nalingannik angissusiliilluni. Nalingat angissusilerneqartoq iluanaarutininik annaasaqaatinilluunniit kingusinnerusukkut naatsorsuinissami tunngavigineqassaaq.
Akilerartussaataitaasup pigisani nammineerluni nalunaarutigai, nalingannilli angissusiliineq pisariaqartuninik uppersaatissaqanngilaq ilimanarsisinneqaraniluunniit	Akileraaruseriffik Akileraaruserinermik ingerlatsineq pillugu Inatsisartut inatsisaanni § 68 malillugu missingersuilluni angissusiliinnaavoq. Ullormi 1. januar 2019-imi nalingannut akileraaruseriffiup missingersuilluni angissusiliinaanut sanilliullugu annaasaqaatit iluanaaru-

	tinit ilanngaatigineqarsinnaanngillat, tak. siunnersuummi § 32, imm. 1.
Akilerartussaataasup pigisani nammineerluni nalunaarutiginngilai	Nalunaarutiginninneq siunnersuummi § 34, imm. 2 malillugu akiliisitsinermik kinguneqarsinnaavoq. Ullormi 1. januar 2019-imi nalingat iluanaarutiniq annaasaqaatinilluunniit kingusinnerusukkut naatsorsuinissami nul kr.-inut angissusilerneqarsinnaavoq, tak. siunnersuummi § 32, imm. 1.
Akilerartussaataasoq kingusinaarluni nammineerluni nalunaarsuiffimmik nassiussoq	Akileraruserinermik ingerlatsineq pillugu Inatsisartut inatsisaanni § 19 malillugu tapilussaq.

Imm. 2.

Siunnersuutaavoq selskabit aningaasanik niuerfimmiluni nalunaarsugaanngitsut i selskabimi aktiat anpartilluunniit il.il. nalingannik angissusiliinissamik pisussaaffilerneqassasut.

Nalingannik angissusiliineq tassungalu uppersaataasat akileraruseriffimmik kingusinnerpaamik 1. december 2019-imi nassiuunneqassapput. Aammattaaq nalingannik angissusiliineq, tassungalu uppersaataasat pisariaqartut selskabip selskabimi aktiaatilinnut atugassanngortissavai.

Siunnersuutaavoq selskabit ukiumi sinneqartoorutit akileraruteqaataasussat, aningaasarsianit akilerarutit pillugit Inatsisartut inatsisaat malillugu naatsorsorneqarneranni nalingannik angissusiliinermik suliaqartitsinerminnut aningaasartuutit ilanngaatigisinnaassagaat. Taakku tassaasinnaapput kukkunerisuisunut aningaasartuutit, selskabimi pigisaniq ataasiakkaanik naliliisitsinermi il.il. aningaasartuutit.

selskabimi aktiaqatigiinnut ataasiakkaanut tunngatillugu piginnaatitaaffinnik assigiinngitsunik peqarpat, aktiaqatigiit piginnaatitaaffiilluunniit assigiinngitsut nalingannik aalajangersaasoqassaaq.

Nalingannik angissusiliinissaq pillugu maleruagassanik erseqqinnerusunik Naalackersuisut aalajangersaanissamut piginnaatinneqarput, tak. siunnersuummi § 27.

Aalajangersagaq taanna malillugu Naalackersuisut ilaatigut aalajangersarsinnaavaat aningaasannngortitsinermi kisitsisit suut nalingannik angissusiliinissami atorineqarnissaat pillugu maleruagassat. Nalingannik angissusiliinermi, aningaasat nuttarneranni maannakkut nalingat malillugu periutsumik (DCF-modellen) atuinermi ilaatigut ilaasarput siunissami aningaasat nuttartussat maannakkut nalingannik naatsorsukkat. Nalingi pillugit kisitsisit taakku selskabip nalinganik naatsorsuinissami pingaaruteqarlunnaarput, aammalu ilaatigut suliaqarfinni assigiinngitsuni nunanilu assigiinngitsuni allanngorartuusinnaallutik. Aningaasannngortitsinermi kisitsisit pillugit maleruagassat nalingannik angissusiliisarnerup assigiiarnerunissaanik pilers-

sitseqataasinnaapput. Tamannattaaq niuernermi nalingannik angissusiliinernik anginaarerujusuartoqarnissaanik, selskabit maannakkut nalingannik naatsorsuinissami kisitsisinik qaffasip-pallaanik angissusiliinerisigut pisinnaasunik pinngitsoortitsinissamik siunertaqarpoq.

Akilerartussaataitaasoq aktianik pigisaminik nammineerluni nalunaaruteqanngippat aktiat ul-lormi 1. januar 2019-imi nalingat nul kr.-iusutut isigineqassaaq. Akilerartussaataitaasup pigi-sat nammineerluni nalunaarutigineqannginnerat pitsisaasinnaasunik pissuteqavissoq uppenar-sarsinnaappagu tamatuma atuutsinneqannginnissaa akileraaruseriffiup qinnuteqartoqarnerati-gut akuerisinnaavaa. Tamanna tassaasinnaavoq akilerartussaataitaasup napparsimamera ima-luunniit nalunaarutiginninnginneq akilerartussaataitaasup inuttut pingaarutilimmik nalaataqar-simanageranik pissuteqartoq.

Akilerartussaataitaasup pigisani nammineerluni nalunaarutigisimappagit, nalingannilli angis-susiliineq qaffasippallaarluni, taava akileraaruseriffik nalingannik angissusiliisinnaavoq, ilua-naarutininik annaasaqaatinillu kingusinnerusukkut naatsorsuinissami tunngavigineqartussamik.

selskabit Namminersorlutik Oqartussanit, kommuninit, selskabinulluunniit allanit 100 pct.-imik pigineqartut selskabit aktiaataasa nalingannik angissusiliisussaatinneqassanngillat. Taakkununga tungatillugu nalingannik angissusiliinissaq pisariaqassanngilaq, tassanimi inummik nammineerluni nalunaaruteqartussamik peqanngimmat.

Imm. 3

Siunnersuutaavoq akilerartussaataitaasut aktiat aningaasanik niuerfimmi nalunaarsugaanngit-sut pigisatik tamaasa kingusinnerpaamik ullormi 1. januar 2020-mi nammineerlutik nalunaa-rutigissagaat. Aktiat ullormi 1. januar 2019-imi niuernermi nalingat malillugu nammineerluni nalunaarutigineqassapput.

Niuernermi nalingat pigineqanngippat, niuernermi nalingannik § 27 aammalu maleruagassat aalajangersagaq taanna naapertorlugu aalajangersarneqartut malillugit naatsorsuisoqassaaq. Nammineerluni nalunaarsuiffik kukkunersiuisumit akuerisaasumit atsiorneqassaaq.

Imm. 4

Imm. 4-tut siunnersuutigineqartoq siunnersuummi § 32-mi aalajangersagaavoq nutaaq.

Aalajangersakkami erseqqissarneqarpoq akileraaruseriffik akilerartussaataitaasullu nalingan-nik angissusiliinermik allanngortitsinissamik 1. januar 2023 tikillugu ilimasaarisinnaasut, taa-matullu aamma allanngortitsinissamik qinnuteqarsinnaasut.

Taamaalilluni aktiat nalingannik angissusiliineq ullup taassuma kingorna tunngaviatigut allan-gortinneqarsinnaassanngilaq. 2023-illi kingorna allanngortitsisoqarsinnaassaaq, akileraaruse-riffik nalingannik angissusiliineq pillugu nammineq pisuussuteqarani ilisimanninngissimap-pat. Taamatut allanguineq Akileraaruserinermik ingerlatsineq pillugu Inatsisartut inatsisaan-ni § 48 malillugu, taassumatullu annertutigisumik pisinnaavoq.

Nr. 51-imiit 54-imut

Allanguutissatut siunnersuut siunnersuutip kalaallisuuani §§-inik 33-miit 36-mut, kiisalu kapitalit qulequtaannik immikkoortullu qulequtaannik aaqqiivoq. Aamma inatsisip oqaasertaasa qallunaatuuini naqinnerliukkat il.il. amerlanngitsut aaqqinneqarput.